



SIUMUT INATSISARTUNI ILAASORTAATITAT

26. november 2012

Inatsisartut suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiupparput:

Isukasiani London Mining-ip aatsitassanik piaalereernerata kingorna aatsitassamut piarneqartumut akitsuusiisalnissaq Naalakkersuisunit anguniarneqarpa imaluunniit anguneqarsinnaava?

(Malik Berthelsen aamma Kim Kielsen, Siumut)

Tunngavilersuut:

Aatsitassap piarneqartup akitsuuserneqartalernissaanik Siumup siunnersuutaa Inatsisartuni oqallisigineqarmat, Inuussutissarsiornermup Naalakkersuisup Ove Karl Berthelsen-ip naggasiinermi ilaatigut oqarpoq, Siumup siunnersuutaa imminermini ajunngitsoq, kisiannili taamatut piumasaqarnissaq siusinaarpallaalartooq aammalu piffissaanngikkallartooq.

Siumumiit naatsorsuutigaarput Sanaartugassanut angisoorsuarnut Inatsisissaq tunngavigalugu London Mining piaanissamut isumaqatigiissusiorfigineqassasoq, Naalakkersuisullu oqaatigisareerlugu akitsuusersuinissaq piffissaanngikkallartooq. Taamaattumik takorlooruminaappooq piaanissamut isumaqatigiissummik atsioreernerup kingorna akitsuutinik akiliisoqartalernissaa ilumut anguneqarsinnaanersoq.